

WS 2025/26 Lat. Lektüre: *Terenz, Adelphoe* TEXT 3 (Karanasiou)

<https://www.perseus.tufts.edu/hopper/text?doc=Perseus%3Atext%3A1999.02.0086%3Aact%3D1%3Ascene%3D1>

Ruri agere vitam; semper parce ac duriter 45

Se habere: uxorem duxit; nati filii

Duo: inde ego hunc maiorem adoptavi mihi;

Eduxi a parvulo; habui, amavi pro meo;

In eo me oblecto; solum id est carum mihi.

Ille ut item contra me habeat facio sedulo: 50

Do, practermitto: non necesse habeo omnia

Pro meo iure agere. Postremo alii clanculum

Patres quae faciunt, quae fert adolescentia,

Ea ne me celet consuefecit filium;

Nam qui mentiri aut fallere insuerit patrem, aut 55

Audebit, tanto magis audebit caeteros.

Pudore et liberalitate liberos

Retinere satius esse credo quam metu.

Haec fratri mecum non convenient neque placent.

Venit ad me saepe clamitans, "Quid agis, Micio? 60

Cur perdis adolescentem nobis? cur amat?

Cur potat? cur tu his rebus sumtum suggeris?

Vestitu nimio indulges; nimium ineptus es."

Nimium ipse est durus praeter aequumque et bonum:

Et errat longe mea quidem sententia

Qui imperium credat gravius esse aut stabilius

Vi quod fit quam illud quod amicitia adiungitur.

67